

Հայոց լեզվի և (հայ) գրականության  
ուսուցիչների վերապատրաստման դասընթաց

Ավարտական հետազոտական աշխատանք

Թեմա՝ Մշակութային կարողունակության ձևավորումը (հայ) գրականության  
դասերին

Կատարող՝ Ալվարդ Սահակյան

Դպրոց՝ Արարատի մարզի Այնթապի Բյուզանդ Մարգարյանի անվան հ.2 միջնակարգ  
դպրոց

Առարկա՝ հայոց լեզու, հայ գրականություն

Կազմակերպություն՝ «Երևանի կենյի անվան N<sup>o</sup> 65 ավագ դպրոց» ՊՈԱԿ

Խմբի պատասխանատու՝ Անահիտ Զոհրաբյան

Երևան

2023

## Բովանդակություն

Ներածություն	2
Գեղեցիկը կվերկի աշխարհը	4
Բոլոր հանապարհները տանում են...	8
Եզրակացություն	24
Օգտագործված գրականության ցանկ	26

ՆԵՐԱԾՈՒԹՅՈՒՆ

21-րդ դարի երկրորդ տասնամյակը իր չափաբաժնիչներն է թելադրում հասարակության բոլոր խավերին՝ խստագույնս սահմանելով կյանքի մարտահրավերներին պատրաստ անհատների ձևավորում՝ ինտեգրված համաժխարհայնացման գործընթացին: Արագ ու անսպասելի փոփոխվող աշխարհում, որին բնորոշ է մտածական գործընթացների արագացում, տեղեկատվական տեխնոլոգիաների գրոհ, կյանքի խելակորույս տեմպ, մարդու կրթությունն ու դաստիարակությունը դառնում են անգնահատելի արժեք, պատվար, միջնաբերդ՝ փրկվող ու կորչող, անհետացող ու փռհացող նախկին արժեքների համակարգի հանդիման: Զավազանց մեծանում է անհատի հոգևոր կերտվածքի, աշխարհայացքի, վարքագծի ձևավորումը, կարևորվում նրա անհատական ու հասարակական դիրքորոշումն ու վարքը:

Մարդու դաստիարակությունը (մասնավորապես մշակութայինը) կոչված է նպաստելու մարդու հոգևոր բազմակողմանի զարգացմանը, կրթելու նրան, օգնելու, կյանքում, հասարակության ու բնության մեջ ճանաչելու, գնահատելու և ավելացնելու գեղեցիկը, սովորեցնելու ճիշտ ապրել: Հենց սրանք են մարդու մշակութային դաստիարակության նպատակները, որոնց իրագործման առաջին պատասխանատուն դպրոցն է: Ինչ խոսք, այս դաստիարակությունն սկսվում է շատ վաղ, մինչ երեխայի լույս աշխարհ գալը և շարունակվում ողջ կյանքի ընթացքում, սակայն այս գործում դպրոցի դերը բացառիկ է և անկրկնելի: Ուսումնական բոլոր առարկաները, դպրոցական միջավայրը, ուսուցիչը, կրթական գործընթացի բոլոր մասնակիցները ունեն իրենց կարևոր դերակատարությունը այս պատասխանատու գործում, սակայն գրականության դերը անհնար է գերազնահատել, քանի որ գեղարվեստական մարմնավորում ստացած գաղափարների դերը հասարակական կյանքում անհամեմատ մեծ դեր ու կշիռ և բացառիկ հնչեղություն ունեն:

Հասարակությունը, ծնողները, դպրոցն ստուգող վերադաս մարմինները դպրոցի գնահատման չափանիշ հաճախ ընդունել և ընդունում են սոսկ գիտելիք՝ սահմանափակելով կրթության դերն ընդհանրապես: Մինչդեռ գիտելիքը առանց արժեհամակարգի, կարող է խիստ վտանգավոր լինել՝ դառնալով սպառնալիք մարդու և հասարակության համար:

Արժեհամակարգի ձևավորման գործում մեծ է դաստիարակության դերը՝ գեղագիտական, բարոյական, սոցիալական և այլն: Հանրակրթական պետական չափաբաժնիչը, ի թիվս 8 կարողունակությունների, սահմանում է մշակութային կարողունակությունը. «Սովորողները ճանաչում են հայ մշակույթն ու մարդկային ֆաղափակրթությունների մշակութային բաղադրիչները՝ որպես մարդկային զգացմունքների և գործողությունների կողմնորոշիչներ: Նրանք արժևորում են սեփական ինքնությունը, ընտանիքի, համայնքի և պետության դերը, ունեն Հայաստանի աշխարհագրության, հասարակական-ֆաղափական համակարգի և պատմության հիմնարար իմացություն: Աշակերտները ձևավորում են սեփական նախասիրություններ ազգային և համաշխարհային մշակութային ժամանակաշրջանների ուսումնասիրության ընթացքում: Նրանք ի

վիճակի են զարգացնել սեփական մշակութային ու գեղագիտական պատկերացումները՝ արժևորելով հոգևոր և նյութական ժառանգությունն ու մշակութային բազմազանությունը, հանաչելով հայ և համաշխարհային գրականությունն ու արվեստը և ձևավորելով մշակութային գրագիտություն և հաշակ»:

Այս աշխատանքը մի փորձ է գրականության դասավանդման գործընթացում ներկայացնելու դաստիարակության խնդիրները, միջոցները , ձևերը, մշակութային դաստիարակության ձևավորումն ու զարգացումը:

## ԳԵՂԵՑԻԿԸ ԿՓՐԿԻ ԱՇԽԱՐՀԸ

«Էսթետիկա» բառը ծագել է հունարեն *αἰσθητική (τέχνη)* «գիտություն զգայական ընկալման օբյեկտների(առարկաների) մասին», *αισθησις* «զգայական ընկալմանը վերաբերող», ( *αἰσθάνομαι* «զգալ, ընկալել») ( նախահնդեվրոպական \*au- «ընկալել») բառից:

«Էսթետիկա» բառի ժամանակակից նշանակությունը ծագում է ֆրանկոֆոնիայի պրոֆեսոր Ա. Գ. Բաումարտենի «Aesthetica» ստեղծագործությունից: Թվում է՝ « գեղագիտություն»

հասկացությունը նեղացնում է բառի սկզբնական իմաստը, որ, անկասկած, հետաքրքիր թեմա է, սակայն մեր խնդրո առարկան չէ:

Մշակութային մտքի պատմությունը իր բազմադարյան գոյության ընթացքում առաջ է փառել գեղագիտական տարբեր հայացքներ՝ փոխելով առարկան և խնդիրները, ուսումնասիրվող հարցի շրջանակը, որն էլ ավելի հարստացրել է այն՝ ընդգրկելով և՛ փիլիսոփայական, և՛ բարոյագիտական, և՛ աստվածաբանական, և՛ մշակութային, և՛ գիտության ու արվեստի ոլորտների բազում խնդիրներ:

«Գեղագիտությունը գիտություն է համամարդկային արժեքների պատմականորեն պայմանավորված էության, դրանց ստեղծման, ընկալման, գնահատման ու

յուրացման մասին»<sup>1</sup> Դա նշանակում է, որ գեղագիտությունը ընդգրկում է թե՛ նյութական , թե՛ հոգևոր արժեքներ և ներթափանցում մարդու կենսագործունեության բոլոր ոլորտները՝ պայմանավորելով մարդու ես-ը, աշխարհին ուղղված նրա հայացքը, ներհեցողության ունակությունը, նրա գիտելիքները, նրա բնավորությունը, նրա մարդ տեսակը: Մշակութային դաստիարակությունը ենթադրում է անձի ներդաշնակ ու համակողմանի կրթվածություն , որն առաջին հերթին նպաստում է անձի, անհատի ինքնաճանաչողությանը: Դեղվյան տաճարին փորագրված « Ծանր՝ ք գեզ» (Ճանաչի՛ր ինքդ գեզ») ասույթը մարդու էության, կյանքի իմաստի ըմբռնման ուղղված հանրաբեղ ձևակերպում է, որը Սոկրատեսի փիլիսոփայական խորհրդածությունների էլակետն էր և ժամանակակից աշխարհում էլ դիտարկվում է որպես աշխարհաճանաչողության հիմք:

Անձի մշակութային կարողունակության դաստիարակությունը շարունակական գործընթաց է, որի չափման գործիքները տարբեր են՝ կախված ժամանակաշրջանից, պետություններից և գաղափարախոսությունից, սակայն դա ամենևին չի նշանակում, թե չկան, բացակայում են համընդհանուր, համամարդկային արժեքներ: Գերմանացի փիլիսոփա Մարտին Հայդեգերը արժեքային մոտեցման խնդիրը ֆրենդելիս իրավացիորեն ընդդիմանում է. « Այնպիսի տպավորություն է, որ իրերը լույս աշխարհ են գալիս մերի, և արժեքները զգեստներ են, որոնք մենք իրենց հագցնում ենք, որ չմոռանան»<sup>2</sup> Եղել են, կան ու կլինեն համամարդկային հաստատուն արժեքներ, այլ բան է, որ դրանց ընկալումը, վերլուծությունը փոփոխական մեծություններ են:

Անձի, անհատի գեղագիտական դաստիարակության հիմնախնդիրը ֆրենդելիս անհրաժեշտ է հաշվի առնել մի շարք գործոններ՝

- ժամանակաշրջանի առանձնահատկությունները
- ազգի պատմությունը, մշակույթը, հոգեբանությունը
- երկրի, պետության, իշխանության ֆաղափականության, գաղափարախոսության ուղղվածությունը

Պետք է նկատի ունենալ, որ բազմաթիվ այլ գործոններ էլ կան, որ պայմանավորում են մարդու գեղագիտական դաստիարակությունը՝

- աշակերտների սեռային տարբերությունը (աղջիկները, տղաները միանաման չեն ընկալում գեղեցիկը, վեհը, ողբերգականը և այլն)
- տարիքային առանձնահատկությունները (կրտսեր դպրոցականը, դեռահասը, պատանին տարբեր կերպ են ընկալում)
- ընտանիքը, ժառանգականությունը
- անհատի զգացմունքայնությունը, նրա հոգեբանական տիպը

<sup>1</sup> Թուրի Բորև, Գեղագիտություն, Երևան, Հայաստան, 1982  
<sup>2</sup> Առաջ Ոսկանյան, Արժեքաբանություն, Բուն TV, 2018

Մշակութային կարողունակության դաստիարակությունը սահմանում է համամարդկային և համընդհանուր չափանիշներ՝ խթանելով մարդու ֆունկցիոնալ մտածողությունը, գնահատելու, արժևորելու կարողությունը, ստեղծագործական ունակությունները. այն սովորեցնում է շնորհակալ, անձնավորել աշխարհը, սիրել, փոխել այն: Այլասիրությունը, մարդասիրությունը փոխում են հենց իր՝ մարդու կենսակերպը, բարոյական նկարագիրը, նրա անձնական պատասխանատվությունը, նրա ապրելու կուլտուրան:

Բարձրանում է մարդու գեղագիտական հաշիվը, արվեստը զգալու, հասկանալու, գնահատելու մակարդակը, երևույթներն ու առարկաներն ընկալելու կերպը:

Մշակութային կարողունակության դաստիարակության շնորհիվ կատարելագործվում են մարդու ոչ միայն միտքն ու հոգին, այլև նրա մարմինը, արտաքին տեսքը, վարվելակերպը: Նա դառնում է առավել ազատ ու երջանիկ մարդ՝ զերծ նախապաշարմունքներից ու կապանքներից: «Մարդու մեջ ամեն ինչ պետք է գեղեցիկ լինի...» չելոյան երազանքի մի ուրույն շարունակություն է Ֆ. Դոստոևսկու միտքը. «Գեղեցիկը կիրկի աշխարհը»:

80-ականների սկզբին «Литературная газета» թերթի թղթակցի՝ Ինչն<sup>օ</sup> այլ գործով չի զբաղվում հարցին Հրանտ Մաթևոսյանը պատասխանում է. «Այսինքն թե ի՞նչ է չենք գրում, այն<sup>օ</sup>: Այսինքն թե արդեն երկու հազար տարի է գրականության մեծագույն կոթողը անցորդներին հորդորում է չսպանել, չճանալ, չգողանալ, բայց և՛ սպանում, և՛ ճանալ, և՛ փառավորապես գողանում ենք, այն<sup>օ</sup>: Թումանյանի գոյությամբ եղե՛ն եղավ, Տոլստոյի ներկայությամբ հենց իր նահանգում՝ ժողովրդական խաղաղ ցույցի սևհարյուրյակային ջարդ: Մեծ գրականության Գերմանիայում ֆաշիզմ բարձրացավ, իսկ Պինոչետը բազմել է հակադիկտատորական գրեթե սերիալ վեպերի մեջ, այն<sup>օ</sup>: Ինչն<sup>օ</sup> ենք գրում, երբ տերը դարձյալ բռն ուժն է, այն<sup>օ</sup>:

Այդ բոլորը՝ այդ հազարավոր պատերազմները, միլիոնավոր սպանությունները, միլիարդավոր գոյությունները, ամենուրյա ու ամենօրյա ճնշումները՝ այդպես եղել է. պատմությունն այդպես է հիշում, որովհետև այդպես է եղել: Իսկ թե ֆանի մարդու մեջ է բռնակալ սպանում այդ հակադիկտատորական վեպը, ֆանի մարդու բերան է թուփ ու անեծքով լցնում ընդդեմ դիկտատուրայի, բիբլիական «մի՛ սպանաները» ֆանի կողմնակց է մտել ու ֆանիսին փրկել սպանելու ու սպանվելու մեղքից, ֆանի մեղսական սեր է խեղդել «մի՛ ճանապարհ», ռազմագերու վրա ֆանի տոննա ոսկի է ծախսել կարեկցանքը առ գերին – պատմությունը դա չի հիշում և կարիք էլ չկա, որ հիշի, անցածն են հիշում. այսօրվա ամբողջ աշխարհը՝ մարդկանց կյանքը և նույնիսկ ցամաքի ու ծովերի կյանքը՝ աշխարհի ամբողջ գրականության առարկայացած պատկերն է, այդ պատկերի արատներն ու անբասիրությունը հեզոտորեն մատնացույց են անում աշխարհի գրականության արատներն ու անբասիր կողմերը: Ասում եմ՝ գոնե կուլտուրայի՝ մշակույթի՞ ասեմ: Առաջին հերթին նաև ամբողջ կուլտուրան ինքն է

գրականության արտահայտություն: Չեմ ուզում ձեռքս հեղինակությունների մեկնել, չեմ ուզում հիշեցնել՝ ի սկզբանե էր Բանն: «Երեխաները Չինաստանում չեն մուրում, մեր երեխաները մուրում են, նշանակում է մեր մշակույթի մեջ սխալ մի բան կա»։ Ինչի կ մի մտավորականի բանավոր այս միտքը երբ ինձ հասավ՝ տեսա, որ ինձ տանջող հարցի պատասխանը նա է գտել»:<sup>3</sup> Մշակույթը, գրականությունը փոխում են մարդուն, կյանքը, աշխարհը. դպրոցը, ուսուցիչը կոչված է որդեգրելու այս հավատամքը:

## ԲՈՂՈՐ ԾԱՆԱՊԱՐՀՆԵՐԸ ՏԱՆՈՒՄ ԵՆ...

«Երանի՜ նրանց, ովքեր սովորում են և սովորեցնում»:

Ավ. Իսահակյան

Մշակութային կարողունակությունների զարգացման նպատակով գործածվել ու գործածվելու են մանկավարժական բոլոր մեթոդները՝ թե՛ խոսքային, թե՛ գրական, թե՛ գործնական՝ խոսքային.

- գրույց
- դասախոսություն

---

<sup>3</sup> Հրանտ Մաթևոսյան, Ես ես եմ, Ոսկան Երևանցի, Երևան, 2005

- աշխատանք դասագրքով, գրքով
- բանավեճ
- ակադեմիական տարակարծություններ
- արտադասարանական ընթերցանություն
- հարցապնդումների մերոպ

զննական.

- էֆեկտիվ
- ցուցադրում
- դիտում
- իլյուստրացիա

գործնական.

- վարժություններ
- գործնական աշխատանքներ
- լաբորատոր աշխատանք
- հանաչողական խաղեր
- նախագծային աշխատանք

Արդեն ասվել է, որ մեակուրային կարողունակության դաստիարակությունը ուսումնական ոլջ գործընթացի առաջնահերթություններից է, որի իրագործումը դասարանում պայմանավորված է մի շարք նախադրյալներով՝

- դասարանական միջավայր
- երեխայակենտրոն ուսուցման կազմակերպում
- ուսուցչի հաղորդակցական կարողություններ
- բաց հարցեր կազմելու կարողություն
- ուսուցչի-աշակերտ փոխհարաբերություններ (անկեղծություն, փոխադարձ հարգանք, վստահություն, աշակերտի ազատ արտահայտվելու հնարավորություն,)
- ուսուցչի վարակիչ խոսք, համոզվածություն
- ուսուցչի ձայն, կեցվածք, արտիստիզմ
- ուսուցչի խոսքի կուլտուրան-մեակուրյը՝ պարզություն, տրամաբանություն, հուզականություն
- բարձրարվեստ ստեղծագործությունների ընտրություն
- չափի պահպանում



- ցուցադրման և խոսքի հավասարակշռություն
- համակցված դաս պարապելու ունակությունը ( ոչ միայն ուսումնական առարկաների, այլև արվեստի տարբեր ոլորտների ստեղծագործությունների ընդգրկում )
- արվեստի, գիտության նորագույն հրամայականներին համաժայլ ընթանալու կարողություն
- իր աշխատանքը պլանավորելու, համակարգելու կարողություն, հետևողականություն
- հետադարձ կապ պահպանելու,անդրադարձ կատարելու կարողություն
- դասի արդիականություն, ակտուալություն

Ստորև բերված աղյուսակում պատկերված են մշակութային կարողունակության դաստիարակություն իրականացնելիս խնդիրների լուծման մանկավարժական տեխնոլոգիաներ, մեթոդներ:



Ուսուցիչ  
Առակերտ


Խնդրո առարկան ուսումնասիրելիս աշակերտներին (10-րդ դասարան) գրավոր մի ֆանի հարցադրումներ արեցի՝ փորձելով պարզել, թե որքանով է գրականության դասը նպաստում իրենց մշակութային դաստիարակությանը, հատկապես ո՞ր գործերով են իրենք կրթվում, գրականությունը ի՞նչ չափով է փոխում իրենց և այլն: Այս հարցերից առաջինն ու երրորդը խնդրել էի գնահատել 1-10 միավորով. երկրորդի պատասխանները ինձ հուշեցին ընտրել այս աշխատանքի օրինակները: Միավորներն ավելի բարձր էին, քան սպասում էի (հանձնարարողը դասավանդող ուսուցիչն է, գաղտնիությունն ապահովված չէ): Դասարանի 85%-ը 6 միավորից բարձր էր գնահատել 2 հարցերն էլ, աղջիկները սղաներից ավելի բարձր էին գնահատել, գերագանց սովորող աշակերտուհիների գնահատականները ամենաբարձրն էին՝ 10 միավոր:

Աշակերտների բնագոյատևան, կառուցողական, գեղագիտական մտածողությունը զարգացնելու համար անհրաժեշտ է հանաչել երեխային, ուսումնասիրել նրա անհատականությունը, հաշվի առնել նրա նախասիրությունները: Ստեղծագործությունը բնակելիս ունի է ազատ թողնել երեխային, նախապես ոչ միայն սեփական կարծիքը չարտահայտել, չհնձել սեփական տեսակետով, այլև ցույց չտալ վերաբերմունք: Պետք է խրախուսել, որ նա համարձակ ընկղմվի երկի խորքերը, պեղի, ուսումնասիրի ինֆուրույն, զգա և զգացածը կարողանա արտահայտել՝ չկաշկանդվելով ուսուցչի և ընկերների վերաբերմունքից: Այսօրվա աշակերտն օգտվում է զանգվածային հաղորդակցման միջոցներից, իսկ մեղիս դասը պոստեցիալ վտանգներ է պարունակում իր մեջ: Ուսուցիչը իր աշակերտների հետ պետք է դուրս գա բաց ծով, նավարկի նրանց հետ, բայց միշտ պատրաստ լինի դեկը ձեռքը վերցնելու և անհրաժեշտ պահին խորիս ձգելու: Անհրաժեշտ է զգույշ, նրբանկատաբեկ սասարել երեխային, մղել կոնկրետացնելու մտքերը, հասկանալու զգացածը, համադրելու իր նախորդ, նախկին գիտելիքին՝ գտնելով ներքին աղբյուրներ, չկտրվելով կյանքից: Գրական երկի գեղարվեստականությունը, գեղագիտական արժեքը հասկանալու համար ուսուցիչը պետք է սովորեցնի կյանքում, իրականության մեջ գեղեցիկը , վեհը, ողբերգականը ընկալել: Այս դեպքում նա ավելի լավ կհասկանա գրականության ուժը: «Բանաստեղծության մեջ կյանքն ավելի կյանք է, քան թե իրականության մեջ»<sup>4</sup>:

Աշակերտը կհասկանա, որ գեղարվեստական ճանապարհությունը, գեղեցիկը, վեհը, գեղագիտական մյուս հասկացությունները արվեստի գործում այլ հնչեղություն և ազդեցություն ունեն, և դա պայմանավորված է արվեստի առանձնահատկություններով՝ շեշտադրել, ընդհանրացնել, տիպականացնել: Հենց գեղարվեստական երկի միջոցով աշակերտը պետք է հաղորդակցվի խորհրդավորին, առեղծվածայինին, թավանցի մի տիրույթ, որը բառից անդին է: Աշակերտի համար պետք է թողնել անհայտ մի եզրիք, մի վակ

<sup>4</sup> Հովհ.Թումանյան, Երկերի ժողովածու, 6 –րդ հատոր, 1959

դուռ, որի բանալին միայն ինքը կարող է գտնել: Հնացել է. «Բերանիցս մարգարիտներ եմ թափում, բայց հավաքող չկա»: Շատ է խորհրդային: Առակերտին պետք է ժամանակ տալ մտածելու, հավատալ նրան, զարմանալ և ոգևորվել նրա հայտագործություններով: Միայն այս պարագայում մենք կունենանք ստեղծագործ անհատականություն, որ մերժում է կաղապարները, գնում է սեփական չտրորված հանապարհով: Համակարգված աշխատելու համար ինձ շատ է օգնում Բլումի հայտնի բուրգը, որ ոչ միայն մտածելու սարքեր մակարդակներ է սովորեցնում, այլև ապահովում է վերջնարդյունքներ: Միայն թե մեր թեման , թվում է, պարտադրում է գիտենալ բայից առաջ դնել զգալ –ը:



Առակերտները գրականության դասերին գեղագիտական կատեգորիաների և հասկացությունների միջոցով ոչ միայն հանաչողական գիտելիքներ են ձեռք բերում, այլև գնահատում են դրանք, զարգացնում իրենց աշխարհայացքը, փոխում իրենց ինֆորմացիոնական կերպը:

Գրականության դասերին նպատակահարմար է կիրառել ինդուկցիայի մեթոդը՝ մասնավորից գնալով ընդհանուրը, ժամանակ առ ժամանակ կիրառելով նաև դեդուկցիայի մեթոդը: Ինչ խոսք, գրականության բարձրարվեստ շատ ստեղծագործություններում գեղագիտական հասկացությունները միմյանցից սահմանագատված չեն և հաճախ միասին են հանդես գալիս, որն առավել հետաքրքիր ու բովանդակալից է դարձնում գրական նյութի ուսումնասիրությունը: Արվեստը, գրականությունը ձևավորում և զարգացնում են մարդկության պատմական, հասարակական փորձի անհատական յուրացումը՝ սեփական ես-ի տեսանկյունից դիտարկել տալով ողջ աշխարհը: Անհրաժեշտ է, որ առակերտը դեռ դպրոցական նստարանից ոչ միայն հաղորդակցվի գեղեցիկին , այլև կարողանա գեղագիտական հաճույք ստանալ: Պետք է սովորեցնել

առակերտին սիրունից, առօրեականից տարբերել գեղարվեստական գեղեցիկը, որ կբացահայտնի նրա մեջ Աստծո արարչագործության լույսը և կմղի նրան կատարելության:

«Գեղեցիկը կյանքն է», – սահմանում է ռուս հեղափոխական – դեմոկրատ Ն. Ջերնիեևսկին, իսկ նույն կյանքի մասին ռեալիստ Ստենդալը գրում է. «Նա գեղեցիկ չէ, որովհետև շարված չէ»: Խնդիրն այն է, որ երկուսն էլ ճիշտ են: Այդ դեպքում ինչպե՞ս լուծել երկընտրանքը: Պետք է սովորեցնել առակերտին տարբեր կողմերից դիտարկել երևույթները, առարկաները, գտնել լույսն ու սովորները, գիտակցել, որ կան բաներ, որ միանշանակ չեն: Ճիշտն այն է, որ առակերտը իմանա տարբեր, իր իմացածին հակառոտ կարծիքներ, որ առաջին հայացքից հետաքրքիր են թվում: Օրինակ՝ շվեդ դրամատուրգ Ավգուստ Ստրինդբերգը գրում է. «Սա մի խաբեբա հրեշտակ է և կոչվում է գեղեցիկ ... , որովհետև այս Գեղեցիկն է, որ փոխակերպում է իրերը այն աստիճանի, որ մարդիկ այս իրերը չեն տեսնում այլևս այնպես, ինչպես որ բնական պետք է լինեին: Այս գեղեցիկը անցնում է մեր կյանքի բոլոր շրջաններով ու կեղծում է, կեղծում է, կեղծում է ամեն բան»:

Առակերտն ինքը պետք է փորձի հասկանալ ստեղծագործողի աշխարհայացքը, մեթոդը, փնտրի, զգա, հասկանա, որ գեղեցիկը բարին է, հեմարիտը՝ տարբերելով համարտության և ստի երկու երեսը, որովհետև կյանքը նրան միշտ ընտրության առջև է կանգնեցնելու: Ուսուցիչը պետք է ուղղորդի, սակայն երբեք չպարտադրի իր սեփական ըմբռնումները:

« ... Եվ այս ալեկոծումներուն ու ծփծփանքներուն վերև միշտ կը փոթի՝ փրփուրներուն շուշան ծաղիկին պես՝ «լոյսի հարս» Աստվածամարին՝ ցնծության ու կուսության հերմակ գաղափարը»<sup>5</sup>.

Անձին ի շարժել  
մարգարտափայլ գեղով.  
ոտիցն ի գնալ  
ժողն ի կաթել առնոյր:

«Ավել Մարիա»-ների, Վերածննդի դարաշրջանի Տիրամայրերի, Գրիգոր Նարեկացու Աստվածամոր կերպարի գուգադրական վերլուծությունն օգնում է առակերտին զգալ կատարյալ գեղեցկությունը, հասկանալ, որ այն բացարձակ է, և հարաբերական է միայն մեր ընկալումը:

«Իմ տխրությունս կսիրեմ, զի բանաստեղծական է»<sup>6</sup>, – գրում է Պետրոս Դուրյանը՝ ի պատասխան «Ավելի կը սիրեն Ձեր հակտի մեղամաղձոտ դալուկը դիտել, քան թե գեղեցիկի մը այտին վարդերը կամ հակտին ադամանդը» Պ. Լուսինյանի խոսքին, և ապա շարունակում.«Աշխարհի մեջ ապրեցա՞ն և Ձեզի պես միայն ձայն մ'ը ըլլալ սիրեցի: Ով որ երգ չունի կամ երգել չգիտէ, զգալու ներդաճակության, գեղեցիկին ու սիրունին խտեղանք շոշափելու քաղցրություն չ'ունի»: Ինչն՞ պատանիների, երիտասարդների սիրո

<sup>5</sup> Միսաք Մեծարեկց, Երկեր, Երևան, Սովետական գրող, 1986  
<sup>6</sup> Պետրոս Դուրյան, Երկեր, Երևան, Սովետական գրող, 1981

խոստովանությունը սկսվում է Տերյանի բառերով, մի՞թե այդ նույն բանաստեղծական պայծառ տխրությունը չէ, որ սուգում է իր մեջ նրանց հոգիները՝ հաղորդակից դարձնելով տխրության, սիրո գեղեցկությանը:

Իմ խաղաղ երեկոն է հիմա

Մեղմալույս, և՛ տխուր, և՛ անուշ.

Քեզ երբեք սիրտըս չի մոռանա,

Իմ մաքու՛ր, առաջին իմ անուրջ...

Բանաստեղծական տխրության գեղեցկությունը այնքան ներքին շերտեր, խորքեր ունի, որ այն հաշտված աշակերտը, մարդը հարստանում է հոգեպես, դառնում ավելի կարեկից և զգայուն:

Բնափիլիսոփայությունը հայ գրականության մեջ զարմանալի դրսևորումներ ունի, խորը փիլիսոփայություն և անանց գեղեցկություն: Պատկերանում է այն մեզ մերթ որպես հայրենի եզերք, մերթ որպես « սուն»<sup>1</sup>, ապաստան՝ գեղեցկության, վերհուշի, սիրո, կորստի ցավի, խորը ափսոսանքի, որ թումանյանական աշխարհընկալման, կենսաբանաչափության ու հանճարի շնորհիվ վերածվում է մի գեղեցիկ համանվագի.

...Կանչում է կըրկին, կանչում անդադար,

Էն չըֆնազ երկրի կարտուր անժուն,

Ու թևերն ահա փըռած տիրաբար՝

Թըռչում է հոգիս, թըռչում դեպի սուն:

Դեպ էն սարերը, որ վես, վիթխարի,

Հարբած շարֆերով բըռնած շուրջպարի,

Հըսկա՛ շուրջպարի բըռնած երկընժում,

Հըրճվում են, ասես էն մեծ հարսանժում

Պերն Արագածի նազելի դըստեր,

Որ Դև-Ալ, Դև-Բեր և այլ հըսկաներ,

Խուլ-խուլ հըսկաներ հընոց աշխարհի,

Փաղցըրին բերին անառիկ Լուի:

...Է՛յ հին ծանոթներ, է՛յ կանաչ սարեր,

Ահա ձեզ տեսա ու միտըս ընկան,

Առաջըս եկան երջանիկ օրեր,

Սիրելի դեմքեր, որ հիմի չըկան:

Անցել են, ոնց որ ծաղկունքը պես-պես,

Որ անցած գարնան կային ձեր լանջում.

Անցե՛լ ձեր գլխի հերվան ձյունի պես,  
Բայց եկել եմ ես՝ նըրանց եմ կանչում:<sup>7</sup>

Բնությունը վերածվում է մի  
ներքին տոնի, «հոգվու Կիրակիի», որի գիշերային գույները չեն զիջում Վան Գոգի «Աստղալից  
գիշեր»-ին: «Նրբակերտ մթնշաղը», «անույշ գիշերը» երազային հոգիների չֆնաղ հանգրվաններ են,  
որտեղ պատասպարվում են միայնակ հոգիները «ցուրտ ցերեկներից»։ « Գիշերին մեջ չէ՞ ապաֆեն, որ  
երազները ավելի վառ ու արագ վերթևուսներ կ'ունենան. գիշերին մեջ, ուր շրջանկարը ա՛յնքան հմայիչ  
կ'ըլլա, և սպասումը՝ այնքան ֆադցրոբեն տաժանագին»<sup>8</sup>։

Մութ սենյակիս մեջ կը շրջիմ առջի համբույրն անրջելեն,  
Ու շքունֆներս են բոցավառ՝ ջերմութենեն երազային.  
Փա՛կ են աչքերս, և կամ հանկարծ մերթ անհամբեր դուրս կը նային.  
Ա՛հ, լուրջունն՝ որ կը տևե, և սովերներն՝ որ կը ֆալե՛ն:<sup>9</sup>

Բացառիկ է հայ  
գրականության մեջ սիրո զգացմունքի գեղագիտական արժեքը՝ սկսած միջնադարյան սիրերգակներից  
ցայսօր.սիրո վայելի (Քուշակ), միակողմանի, չհասկացված( Սայաթ- Նովա), պլատոնական, աննյութական  
սեր (Դուրյան, Մեծարեց), ողբերգական (Թումանյան), անհասանելի (Իսահակյան), երազային,  
անանձնական: Մ. Մկրյանը գրում է. «Մի Անուշ կամ Սարո, իրենց արտաֆին ողջ պարզությամբ հանդերձ,  
ունեն ոչ պակաս հարուստ ու նրբագեղ ապրումներ, քան Ռոմենո ու Ջուլիետը»<sup>10</sup>: Որքա՞ն գեղեցիկ է  
Փարվանա արֆայադուստրը սիրո իր պատկերացումներով և իր հուզիչ հավատարմությամբ, որ, նյութի  
իշխանությանն իր դիմադրությամբ հանդերձ, նյութականցող այս աշխարհում մնում է սիրելի առակերտին:  
-Ինչի՞նչ են պետք ոսկին, արծաթ

Եվ կամ աստղը երկրնֆի,  
Ոչ էլ գոհար եմ պահանջում  
Սեր-ընկերից իմ կյանքի:  
Ես նըրանից հո՛ւր եմ ուզում,  
Անե՛ց հուրը սըրբագան,  
Ով կըբերի անե՛ց հուրը,  
Նա է ընտրած իմ փեսան... <sup>11</sup>

<sup>7</sup> Հովհաննես Թումանյան, Երկերի լիակատար ժողովածու, Երևան, ՀԽՍՀ ԳԱ, հ.3

<sup>8</sup> Միսաք Մեծարեց, Երկեր, Երևան, Սովետական գրող, 1986

<sup>9</sup> Միսաք Մեծարեց, Երկեր, Երևան, Սովետական գրող, 1986

<sup>10</sup> Էդ. Ջրբաբյան, Թումանյանի պոեմները, Երևանի պետական համալսարան, Երևան 1964

<sup>11</sup> Հովհաննես Թումանյան, Երկերի լիակատար ժողովածու, Երևան, ՀԽՍՀ ԳԱ, հ.3

«Ասված միտքը կեղծիք է» Ֆ. Տյուտչևի արտահայտությունը ասես պեղված է բակուցյան ստեղծագործության խորքերից, որտեղ լուրջան խորհրդով են շնչում և՛ բնությունը, և՛ մարդիկ, ու լուրջանը իմաստավորվում է վերհուշով, ցավով, խոնարհությամբ, դառնում է ընտրություն, դառնում փակատագիր:

Վերջապես մի՞թե տգեղի, այլանդակի, այլակերպի միջոցով մշակութային կարողունակության դաստիարակությունը երեխայի համար ավելի ազդեցիկ, ավելի տպավորիչ չէ: Համեմատության, հակադրության միջոցով աշակերտը ավելի լավ կհասկանա Ավու ողբերգությունը («Մթնածոր»)։ մարդը օտարված է հայրենի եզերքից. օտար, անհավատ, անհայրենիք պանինները քեզ վտարում են քո սնից, եզերքից, հայրենիքից:

«...Վայրի վարձի պես էր անտառապահ Պանինը: ...Նրա սարսափը հեռուներում էր տարածված: Նրա մասին բերնեբերան պատմություններ էին անում: Ոչ ոք չգիտեր ոչ նրա ազգությունը, ոչ հավատն ու ծագումը: Ասում էին, որ նախկին սպա է, մարդ էր սպանել, նստել էր բանտում, հետո անտառ գնացել: Հյուսիսի անտառներից մեկում նա իր կնոջն էր սպանել որսի մի գիշեր, ավելի ճիշտ՝ շներին հրամայել էր զգզել կնոջը»:<sup>12</sup>

Մարդու տարերքը բնությունն է, և անբնականը, հակաբնականը՝ պատերազմը, խրամատը, հրացանը, բնության մարդուն դարձել են «այլակերպ» («Այու սարի լանջին»): «Պետին այլակերպ էր դարձել: Նա ֆաշիստ էր, կծկվել, շատ փչ էր խոսում: Ասես ծերացել էր...»: «... Գյուղում գեները մահակից շատացավ»: «...Գյուղը կծկվել էր, վախից կուչ էկել»:<sup>13</sup> Առավոտվա ափլորականջի հետ արթնացող գյուղացին՝ Պետին, ստիպված հրացան է ձեռքն առնում, չնայած հրացանը մի ֆարի տակ է պահելու: Պատահակա՞ն թե՞ դարանակալ մի գնդակից գոհվում է հերոսը. տգեղը հաղթա՞ն է գեղեցիկին: «Գիշերվա անձրևը սրբեց, լվաց խոտերից կաթիլները Պետու արշան...

Այու սարի լանջին հիմա մի կտոր տեղ կա, ուր կանաչն ավելի փարթամ է, ավելի մուգ:

Փարթամ կանաչի տակ փտում են ոսկորները Պետու»:<sup>14</sup>

«Առաջ Պետին էր շարունակում բնությունը, հիմա բնությունն է շարունակում Պետուն»։ Սերգեյ Աթաբեկյանի բանավոր ձևակերպումն է:

Է. Հեմինգուեյի «Մերունին և ծովը» վիպակից գետեղված հատվածը (8-րդ դասարան) աշակերտներին գեղեցիկ հնարավորություն է ընձեռում հանդիպելու 20-րդ դարին այն գրողին, որ փոխեց գրականության լեզուն, սեր: Պատահական չէ աշակերտների սերը այս գործի հանդեպ: Մերունու ու սոլայի մարդկային հարաբերությունների գեղեցկությունը, իրենց հասակակցի՝ սոլայի պատասխանատվությունը, անհուն օվկիանոսի նկարագիրը, մարդու պայքարը, նրա հաղթանակը, թե՞ պարտությունը, հեղինակի հավատը՝

<sup>12</sup> Ակսել Բակունց, Երկեր, Հայպետհրատ, Երևան, 1964

<sup>13</sup> Նույն տեղում

<sup>14</sup> Նույն տեղում



«Մարդուն կարելի է հաղթել, բայց չի կարելի ոչնչացնել», առակերտին հեռավոր աշխարհների ու գրականությունների շունչն են բերում: Գրական գործը ընթերցելիս առակերտը պետք է գգա գեղեցիկի պատճառած վայելքը, որ ոչնչով չփոխարինվող երջանկություն է: Իսկ դրան կարելի է հասնել առաջին հերթին կարդալով: Ընթերցման որակը բարձրացնելը ուսուցչի, դպրոցի, կրթության ոլորտի համակարգի հրատապ խնդիրներից է: Գեղագիտական մտքի պատմության մեջ գեղեցիկին հաճախ նույնացվում է վեհը, երբեմն՝ հակադրվում: Հավակնություն չունենալով այս խնդրում սեփական տեսակետ արտահայտելու՝ կարծում են, որ վեհը միշտ գեղեցիկ է, իսկ գեղեցիկը ոչ միշտ է վեհ: Վիզեն Իսահակյանը՝ Ավետիք Իսահակյանի որդին, իր «Հայրս» գրքում նկարագրում է մեծ բանաստեղծի այցելությունը Ռավեննա. «Հայրս շատ էր ցանկանում տեսնել Դանթեի շիրինը: Գտանք, Մեծ եկեղեցու բազիլիկայի մոտ էր: Սա գեղեցիկ սենյակառուցված դամբարան էր: Հայրս խոնարհվեց նրա առջև և մի քանի վայրկյան մտառուզվեց»:<sup>15</sup> Ընդամենը մի քանի վայրկյան, և ծնվեց պոետական մի վսեմ երկ.

Արարատի ծեր կատարին  
 Դար է եկել, վայրկյանի պես,  
 Ու անցել:  
 Անհուն թվով կայծակների  
 Սուրն է բեկվել ադամանդին,  
 Ու անցել:  
 Մահախոսնապ սերունդների  
 Աչքն է դիպել լույս գագաթին,  
 Ու անցել:  
 Հերթը հիմա բռնն է մի պահ.  
 Դու էլ նայիր սեզ ճակատին,  
 Ու անցիր...<sup>16</sup>

Հավերժի ու անցողիկի հակադրությունը որքան ընդգծում է բարձրը, անհասնելին, վեհը: Հիշենք միասնական Մեծ տիկնոջ («Վարդանանք») դիմումը Արարատին: Արարատի կերպարը թե՛ հայ պոեզիայում, թե՛ արձակում գուգորդվում է վեհի հետ: Անուշտ, աստվածաճնչյան «հերոս» լինելը նոր խորություն և վեհություն է հաղորդում լեռանը, որ մեզ համար ֆիզիկական միավոր չէ սոսկ, որ իր ողբերգականությամբ հանդերձ (այսֆան մոտ և այսֆան հեռու), գեղագիտական մտքի շնորհիվ բարձրացնում է ընթերցողին մի նոր, անհայտ հարթություն:

<sup>15</sup> Բանաստեղծը Ռավեննայում, Ազգ օրաթերթ, Մշակույթ, Երևան, 2014  
<sup>16</sup> Ավետիք Իսահակյան, Ընտիր երկեր, Երևան, 2007

Չարենցի «Դեպի լյառը Մասիս» պոեմում հերոսի ձուլումը Արարատին ոչ միայն անմահության խորհուրդ ունի, այլև արձանագրում է կերպարի բարձրությունը, վեհությունը:

Դեմը – դաշտն էր անծայր, իսկ հեռվում՝ Մասիսը,

Լյառն այն վսեմ, որի հանապարհով մի օր

Բարձրացել էր ինքը և սառցանիստ

Գեղեցկությամբ գերվել: – Եվ այժմ մենավոր

Նա գնում էր կրկին դապի հեռուն այն լուրք,

Դեպի լյառը անհաս ու վեհանիստ, –

Դեպի գագաթը բարձր, որ իր ժողովուրդը

Համարել է հավետ իր գոյության խորհուրդը, –

Որ հաշակե այնտեղ հավերժական հանգիստ...<sup>17</sup>

Թումանյանի փայլակներում անհայտ բանաստեղծը՝ բնությունը, երկնայինը, աստվածայինը, որ հուշակել են Պոետի ծնունդը, հին աշխարհի հազար տարվա փորձը, բանաստեղծի՝ սուր գնալու երազանքը վեհի գեղագիտական ըմբռնման եզակի նմուշներ են, որ, արդեն հարյուր տարի է, հայ ընթերցողին «վայրենի աղմուկից», «էս ցեխերից» հեռացնում են, վերացնում, բարձրացնում: Վերևում արդեն խոսվել է Բակունցի «Այս սարի լանջին» պատմվածքում գեղեցիկի ու տգեղի հակադրության մասին: Հեղինակը արտաֆուստ տգեղ, գյուղի ծիծաղի առարկա նախնապան հերոսի դեմքին տեսնում է վեհություն, երբ նա մարդկանցից հեռու, իր հոգևոր տարածքում «անհուն բարությամբ» ու «միամիտ սիրով» նայում էր խոտին, կովին, ծաղկած սարերին արքայի պես, Տիրոջ պես: Որքան տեղին է արձակագիր Վարդան Գրիգորյանի խոսքն այստեղ. «Ամեն ոք և արքա է և թե ծառա իր ծնունդով ու մահով, ընտրությամբ ու ազատությամբ, բայց արքա անհրաժեշտության, ծառա անհրաժեշտության: Իսկ իսկական տեր է միայն նա, ով չգիտե անհրաժեշտություն, չգիտե մտրակ ու հարկադրանք, ով ծառայում է որպես արքա, իսկուն որպես ծառա»: «Այս ամենը՝ աշխարհի անսահմանությունն ու հավիտենականությունը, բնության ու մարդու ներքին հզոր ուժերը, բնության յուրացման, նրա մարդկայնացման անսահման հեռանկարները, արտացոլում է վեհը՝ որպես գեղագիտական կատեգորիա»:<sup>18</sup>

Վեհի հետ հաղորդակցումը աշակերտի մեջ դաստիարակում է հարգանք, երկյուղածություն, ինքն իրենից բարձրանալու, ինքն իր մեջ եղած ցածրը, նսեմը, ստորը սպանելու ցանկություն և կամք: Հակադրելով Մուսեղի և Շապուհի գործողությունները (Բաֆֆի «Սամվել») հայ կանանց և պարսիկ թագավորի կանանցի հանդեպ՝ աշակերտները, անկախ Մուսեղի արաֆի հանդեպ կարծիքից, միանշանակ մերժում են Շապուհին՝ հարգանքով լցվելով Մուսեղի հանդեպ: Արևմտարևմտական է վերաբերմունքը Զինգիմովի

<sup>17</sup> Եղիշե Չարենց, Լևոնի Երկեր, Երևան, Նաիրի, 1997

<sup>18</sup> Յուրի Բորև, Գեղագիտություն, Հայաստան, 1982

(Սուհուկյան, «Պեպո» ) ողորմելի, ստոր արաբի հանդեպ, չնայած առակերտներից ոմանք չեն բացառում հավանականությունը նմանօրինակ արարք գործելու, բայց բացարձակապես մերժում են նրա ֆանտելի շողմոքությունը: Այսինքն՝ ցածրը, ստորը երեխաները փնտրում են արարքների , գործողությունների մեջ՝ փորձելով դրանք հասկանալ, բացատրել, բայց և միաժամանակ մերժելով դրանք, գիտակցելով, թե ինչ չի կարելի անել: Վեհի և ողբերգականի միջև կան անորսալի աղերսներ , որ թերևս պայմանավորված են երկուսի՝ ընթերցողի վրա թողած ազդեցությամբ նաև:

....— Ընչի՞ չես խոսում, ընչի՞ չես նայում,

Իմ օր ու արև, կյանք ու ջան՝ որդի,

Դու իմ գերեզմանն ընչի՞ ես խըլում,

Թըշենամի՛ որդի, դավանա՛ն որդի...

...—

Կարմիր արևից ընկած, Սարո ջա՛ն,

Կանանչ տերևից ընկած, Սարո ջա՛ն...

Արևս հանգավ, Սարո ջա՛ն,

Գիշերս ընկավ, Սարո ջա՛ն...<sup>19</sup>

Ինչպե՞ս է ցավը այսֆան պարզ խոսքերով վերածվում ողբերգականի, ինչպե՞ս է մոր և սիրած աղջկա անսովորի վիշտը ձուլվում բնությանը, անէանում գետի, երկնի խորություններում և ինչպե՞ս է վերածվում անխառն ու ջինջ պատկերի, որ այդպես մաքրում է էությունը և լուսավոր, երջանիկ վայրկյանների վերածվում. ահա պոեզիայի, գեղարվեստի առեղծվածը :

Համբարձման գիշեր, էն դյուրիչ գիշեր,

Կա հըրառալի, երջանիկ վայրկյան.

Բացվում են ոսկի երկընքի դըռներ,

Ներքև պապանձվում, լըռում ամեն բան,

Ու աստվածային անհաս խորհըրդով

Լըցվում բովանդակ Նըրա սուրբ գըրով:<sup>20</sup>

Խոնք, կասկածը, երկմտությունը, որ դառնում են համլետյան հարց՝ ցավագին ու սրտմառուկ, առակերտի համար բացահայտում են ընտրության դժվարությունը՝ միաժամանակ հուշելով, որ ամեն ինչ իր գինն ունի, և պարտությունն ու հաղթանակը երկու մեծ «կեղծավորներ» (Քիվլինգ) են: Հերոսների ողբերգական երկվությունը, գիշերվա «չարաբուխ» մտքերը (Չարենց «Խմբապետ Շավարժը», «Դեպի լյառը Մասիս») առակերտներին օգնում են բացահայտել շրջադարձային պահերին

<sup>19</sup> Հովհաննես Թումանյան, Երկերի լիակատար ժողովածու, Երևան, ՀԽՍՀ ԳԱ, հ.3

<sup>20</sup> Նույն տեղում

տառապաղ մարդկանց, նրանց ընտրությունն ու վախճանը՝ միմյանցից տարբեր և միմյանց մերժող: Խաբված, խոցված որդու ընդվզումը (Չարենց «Վահագն», «Պատմության ֆառուղիներով») ոչ միայն պատմական հենկ , այլև «վավերական դիմադարձություն» (Մաթևոսյան) է հուշում, որ իր ողջ ողբերգականությամբ հանդերձ, «ագասների հայրենիք» է բարձրացնում: Գեղարվեստական գրականությունը հարուստ է անհատի և ամբոխի հակադրությունը, անհատի դրաման բացահայտող ստեղծագործություններով, որոնք, չնայած իրենց ողբերգականությանը, ընդգծում են ու բարձրացնում մարդու անկրկնելի անհատականությունը: Ծիծաղելու ընդունակությունը մարդուն տրված պարզկենդանի է, որ նրա բարոյական նկարագրի, ինտելեկտի, նրա աշխարհայացքի անխարդախ հայելին է: Հայերիս Հայրենին ուղղված բանաստեղծության մեջ Չարենցը գրում է.

Իսկ ապա, երբ համփիս ծաղիկները

Փոխվեցին փեերի ու խոցի-

Սիրեցի երկմիտ շունկներոյ,

Եվ հեզնանֆո, որ նման է բոցի.<sup>21</sup>

Կոմիկականի մշակութային առանձնահատկությունն առավելապես արդիականության ֆենոմենությունն է, որ, սակայն, սկսվելով ներկայում, կենսունակ է լինում ազգային համար (Թումանյան« Քաջ Նազար», Պարոնյան «Մեծապատիվ մուրացիկներ»): Խոսքի, դրության կոմիզմը, հումորը, հեզնանքը, սատիրան, իրենց հրաշալի դրսևորումը ունենան ոչ միայն հայ գրականության, այլև հայ բանահյուսության մեջ, որտեղ ժողովրդական առողջ միտքը շողարձակում է ծիծաղի միջոցով («Սասնա ծռեր., հեֆիաթներ): Ծիծաղի սուր ու վարակիչ բնույթը, մերժման ժողովրդական պարսպը խոսքի միջոցով աշխարհը փոխելու հզոր ուժ են: Գեղագիտական հասկացությունները փայլուն փաթեթավորումներ չեն ստեղծագործության բովանդակությունը համար. դրանք բխում են գործի էությունից և, ինչ խոսք, պայմանավորված են բազում գործոններով և, անկասկած, արվեստագետի, գրողի ստեղծագործական մեթոդով:

Սայաթ-Նովան՝ «Երանգների պոետը»(Վ.Բրյուսով) իր գեղագիտական հավատամքը արվեստի հասարակական դերն էր համարում. Արի

հանով դուլուդ արա, խալխի նոֆար Սայաթ- Նովա...

Շատ տըխուր սիրտ կու խնդացնիս, կու կտրիս հիվընդի դողըն

Յիվի ֆաղցըր ձայնդ վիր կոնիս, բաց կուլի հիտըդ խոսողըն...<sup>22</sup>

<sup>21</sup> Եղիշե Չարենց, Ընտիր երկեր, Երևան, Նաիրի,1997

<sup>22</sup> Սայաթ-Նովա, Հայերեն, վրացերեն և ադրբեջաներեն խաղերի ժողովածու, Հայպետհրատ, Երևան,1959

«...Ի՞նչ է որ բանաստեղծին կոչումը, – հարցնում Մեծարեցը և պատասխանում, – «Բանաստեղծը Սիրս կը նմանի. և իր պաշտոնն է համբաները լուսավորել: Անիկա կ'առնե կը տանի յուրաքանչյուր հոգի իրեն հակատագրված վայրերեն և ցույց կու տա անոր հրեշտակային գանձեր»:<sup>23</sup>

Իրենց հավիտենական որոնումներով, հարուստ գեղագիտությամբ գրողը, գրականությունը սովորեցնում են մարդուն ապրել այս մեծ, գեղեցիկ ու դժվար կյանքը:

«Իսկ ի՞նչ է սկզբից էր Բանը, և Բանը Ասածն մոտ էր... Ծագում և ավարտ չունեցող առեղծվածային նախադասությունը: Գուցե Բանը որպես Հավիտենությունը հանաչելու իդձ էր դրվել գրողի սրտի մեջ, որ ողջ կյանքի ընթացքում ընկնել – ելնելով՝ բալոր շրջադարձերին, ջրվորների մոտ մոգական այդ միակ խոսքն է փնտրում, որը գորություն պիտի ունենար՝ ազդելու իրականության վրա, մեղմելու աշխարհից՝ մարդուն հեղեղող, հալումաժ անող վախերը, մահվան հետ դեմառդեմ միայնակ մնալու սարսափը, մինչև դրախտի դռները հասնելը ամայի հանապարհներին ուղեկցող ոչ մի հրեշտակի չհանդիպելու զարհուրանքը: Այդ խոսքին հանդիպելու նպատակով է գրիչ վերցրած օրվանից նա դերվիժի նման թափառումների ելնում՝ մի ոտքը Ադամի արարման կավին է լինում, մյուսը՝ երկնում, որտեղ Բանից ծագող սկիզբն է:»<sup>24</sup>

### ԵԶՐԱԿԱՑՈՒԹՅՈՒՆ

Լեզուն, լինելով ազգային գոյության հիմնական նախապայմանը, ազգային մշակույթի, պատմության, ապագայի բանալին է: Նրա օգնությամբ և նրանով է արժևորվում ազգի մշակույթը, որ ոգու ազատագրման արտահայտություն է: Ի վերջո, ողջ աշխարհը, մարդկային միտքը, որոնումները ուղղված են հեմարտության որոնմանը, որը ի գորտ է հայտնաբերելու մշակութային կարողունակությունը. չէ՞ որ մշակույթի հիմնական խնդիրներն ունեն համամարդկային հնչեղություն:

Լեզուն, գրականությունը կյանքը, մարդուն

հանաչելու յուրահատուկ գործիքներ են, որ կարող են մարդուն մարդ պահել և օգնել դարձնելու Մարդ: «**La plus grande chose du monde c'est de sçavoir etre a soy**»<sup>25</sup>, – գրում է ֆրանսիացի մեծ մտածող Մոնտենը: Իրերի խորքը թափանցելը պահանջում է կառուցողական ջանքերի լարում, բայց այն մեզ օգնում է նաև կարողանալ լինել, կարողանալ ապրել այս աշխարհում: Հանրակրթության պետական չափորոշիչը նույնպես սահմանում է.

«Հայոց (մայրենի) լեզվի և գրականության ուսումնառությունը սովորողի անձնային նկարագրի, կարողությունների, հմտությունների, արժեհամակարգի ձևավորման և զարգացմանն է ուղղված: Գրական և ոչ գրական, արձակ և չափածո տեքստերի ընթերցումը, դրանց համակողմանի վերլուծությունը բնագատական և պատկերավոր մտածողության զարգացման նպատակ ունեն: Գրական-գեղարվեստական տեքստերի լեզվաոճական վերլուծությունը, դրանց կազմում հանդես եկող առանձին բառերի իմաստային,

<sup>23</sup> Միսաք Մեծարեց, Երկեր, Երևան, Սովետական գրող, 1986

<sup>24</sup> Լևոն Խեչոյան, Պատմվածքներ (կազմ. Սամվել Մկրտչյան), Երևան, Հեղ. հրատ., 2013

<sup>25</sup> Աշխարհի ամենամեծ բանը ինքն իրեն հանաչելն է:

բառակազմական և ձևաբանական ֆենոլոգիաները, օտար լեզուներից թարգմանությունները զարգացնում են առակերտի լեզվամտածողությունը, ձևավորում են որոշակի վերաբերմունք մայրենի և օտար լեզուների հանդեպ, սովորեցնում են հարգել թե՛ սեփական, թե՛ օտար մշակույթները, արժևորել դրանք որպես համամարդկային մնայուն արժեքներ»:

Նկատելի է, որ արդի դարաշրջանում երկշափ կրթությունից՝ գիտելիք - կարողություն կամ հմտություն, անցում է կատարվել եռաշափ կրթության՝ հասկացություն - գիտելիք - կարողություն/հմտություն: Այդ է պատճառը, որ հայոց լեզվի և գրականության վերջնարդյունքները սահմանվել են որոշակի հասկացությունների և ենթահասկացությունների տիրույթներում:

Կարողունակությունը անհատի համալիր բնութագրիչ է. այն գիտելիքների, հմտությունների, վերաբերմունքի և արժեքների համակարգ է, որը թույլ է տալիս տարբեր ոլորտներում հաջողությամբ լուծելու կոնկրետ խնդիրներ:

Հայոց լեզվի, գրականության առարկաների դասավանդումը, որ այլ կարողունակությունների շարքում, մշակութային կարողունակությունը զարգացնելու նպատակ է հետապնդում, օգնում է լուծելու կարևորագույն խնդիրներ՝ նախաձեռնել, հասկանալ, կիրառել, գնահատել, ստեղծագործել, վերափոխել, և, իհարկե, կարողանալ լինել, կարողանալ ապրել:

Օգտագործված գրականության ցանկ

Հանրակրթության պետական չափորոշիչ

Հրանտ Մաթևոսյան

Յուրի Բոբև

Հովհաննես Թումանյան

Ակսել Բակունց

Ավետիք Իսահակյան

Եղիշե Չարենց

Սայաթ-Նովա

Պետրոս Դուրյան

Մխամբ Մեծարենց

Լևոն Խեչոյան

Էդվարդ Ջրբաբյան

Ասոտ Ոսկանյան

Ես Ես եմ

Գեղազիտություն

Երկերի լիակատար ժողովածու

Երկեր

Ընտիր երկեր

Ընտիր երկեր

Հայերեն, վրացերեն և ադրբեջ. խոսքերի  
ժողովածու

Երկեր

Երկեր

Պատմվածքներ

Թումանյանի պոեմները

Արժեքանություն